

玄覽堂叢書續集

第三十七冊

利縣志卷之四

四

大元大一統志卷第五百八十七

奏進

集賢大學士資善大夫同知宣徽院事臣字蘭肝

昭文館大學士中奉大夫秘書監臣岳 鑾等上進

西和州

建置沿革

禹貢雍州之域古西羌之地

元和郡縣志禹貢西傾朱

圍鳥鼠接西傾山在洮州之域明矣今在東井

州處其東北此則雍州之域

與鬼之分此據晉天文志及唐志則以為

張良諸葛亮譙周京房張衡皆云隴

營室四則營室亦當為本州之分野

秦時為秦地在秦時為隴西郡之臨洮

縣始皇築長城長城今州西二十里起崆峒山自山旁洮水而東知是秦臨洮在此矣自秦末至西漢迄魏晉並爲隴西郡地

南齊志隴西郡領四縣而無臨洮縣

梁簡文帝大寶元年宕

昌王梁彌定爲獠甘所襲彌定奔魏魏討

獠甘破之復納彌定於宕昌始置岷州於

渠林川南有岷因山以爲稱仍領同和郡

寰宇記在西魏大統十年又改爲臨洮郡隋開皇三年

郡廢爲岷州

煬帝大業三年改爲臨洮郡義寧二年改置岷州此據唐

地理志唐武德初置總管府管岷宕洮疊所紀云

等州貞觀元年屬隴右道天寶元年改和
政郡乾元元年復爲岷州代宗廣德元年
因羌畔岷廓河蘭等四州盡淪于吐蕃大
中五年沙州首領張義潮奉瓜沙蘭岷等
十一州歸于有司詔以義潮爲歸義軍節
度使咸通三年義潮卒自後瓜沙岷疊諸
州隸歸義軍所領者皆爲吐蕃奴部渾末
所據宋熙寧五年王韶言自唐吐蕃陷河
隴今宜以時併有之絕夏人右臂遂攻河
州破木征而岷州本令征以城降六年復

爲岷州隸熙河路後隸秦鳳路割秦州之
大潭長道二縣爲屬邑州初治溢樂縣尋
以縣戶口凋殘廢之崇寧三年復置祐川
縣以爲附郭紹興四年叛將慕容洧相繼
降金而洮岷之地復失宣撫使吳玠復五
路以李永琪守岷州遂徙治于白石鎮十四
年改岷曰西和避金主阿骨打諱以郡曰和政故
也淮西亦有和州故加西字以別附于和
州路領長道大潭祐川三縣戊戌年歸附
國朝因之大潭祐川自軍興久廢惟有長道一縣

至元七年亦併入本州

里至

東至上都四千五百里

東至大都四千二百二十里

西北至本路四百里

東至成州界黃竹一百二十里

西至安西州界閭井三百里

南至階州界青院關界一百七十里

北至寧遠縣界馬務裏二百一十里

東到成州二百里

西到安西州二百里

南到階州四百里

北到隴西縣四百里

東南到沔州六百里

西北無城邑

東北到秦州七百里

西南到岷州七百里

山川

祁山

在長道縣廢縣南十里有城極嚴固開

山圖云漢陽西南有祁山九州之名阻
天下之奇峻蜀志云諸葛亮率諸軍攻
祁山南安天水三郡叛魏應亮即此

岷山

在故溢樂縣南一里舊日因此山以名
州九域志云岷山山黑無樹木其西有
天女神洮水經其下即夏禹見長人受
黑玉書處唐志云溢樂縣下有岷山通
典亦同

隴山

在漢陽

西魏以長道縣爲漢陽縣

按通典漢陽有大

坂曰隴坻亦曰隴山其阪凡回上者七

日乃越通鑑光武建武八年隗囂反使

王元拒隴坻即此地元和郡縣志云每

山東人西役升此瞻望莫不悲思隴上

有水東西分流因號水爲分水驛行人

歌曰隴頭流水鳴聲嗚咽遙見秦川肝

腸斷絕東去大震關五十里上多鸚鵡

邽山

在大潭縣南

朱圉山

在大潭故縣漢地理志云天水冀縣有此山大潭本秦州地

崆峒山

在故溢樂縣西二十步

通靈山

在大潭縣七十里四山環合二水縈流有清泉巖飛落如玉繩亦一奇也

獨起山

在今州東十里和政舊志云

伎兩山

和政舊志云大潭故縣西南六十里連
成州界

雞峯山

和政舊志云在州東北十五里又云其
形如圭古名圭峯

闊博山

唐地理志云在古和政縣

金通山

和政舊志云在和政古縣南一里

玉泉山

和政志云在今州北一里

青微嶺

和政志云在疊州買馬路

賢隱山

在今州之宕昌寨西南有院上有三故閣姚大師少時移疾結庵於其間有題詩

摩雲嶺

去宕昌寨三十里山下即臨江

洮水

元和郡縣志西南自溢樂古縣界流入
漢地理志出西羌中經岷山之下北至
枹罕東入于河

漢水

在古長道縣南有諸葛壘左右有豐草
亮所植也

白江

出疊州宕昌歷江油花石峽過武階
下文龍至昭化合嘉陵江

濁水

寰宇記云從長道縣界穿大潭舊鎮入

階州

落門水

在大潭縣西

西漢水

在長道古縣東北自秦州上邽縣界流

入

鹽官水

在長道古縣一里自天水縣界流入

土產

鹽井

去州東六十里地名鹽官

欸冬花

貢

甘草

風俗形勢

其民勇敢好獵舊志云

州境通吐谷渾至青海之塞南直白馬氏
地西連熙鞏北並洮疊在熙河爲重地圖

經云

元大一統志

卷五百八十七

八